

Papa Françesku e ka pranuar se klerikët kanë abuzuar seksualisht me murgeshat, ndërsa shtoi se ka pasur raste që janë mbajtur si skllave seksuale.

Ai tha se paraardhësi i tij, Papa Benedikti, u detyrua të mbyllte një kongregacion të tërë me murgesha që u abuzuan nga priftërinjtë.

Kjo është hera e parë që Papa Françesku ka pranuar abuzimin seksual të murgeshave nga klerikët.

Ai shtoi se Kisha po përpiqej të zgjidhte problemin.

Papa Françesku i bëri komentet të martën para gazetarëve gjatë vizitës historike në Lindjen e Mesme.

Ai pranoi se priftërinjtë dhe peshkopët abuzuan seksualisht me murgeshat, por tha se Kisha ishte në dijeni të çështjes dhe po përpiqet ta zgjidhë.

*"Papa Benedikti kishte guximin të shpërndante një kongregacion femrash, sepse skllavëria e grave kishte hyrë në të. Skllavëria deri në pikën e skllavërisë seksuale, nga ana e klerikëve apo themeluesve."*

Zëdhënësi për shtyp i Vatikanit, Alessandro Gisotti tha për CBS-në se çështja në fjalë kishte ndodhur në Francë.

Papa Françesku tha se abuzimi seksual i murgeshave ndodhi në *"kongregacione të caktuara, kryesisht ato të reja"*./Ora News.tv/